



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 4. Episcopi ex Ægypto Constantinopoli.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

& longiore explicatione opus esse. Alteram epistolam dedit ad Aetium Presbyterum, cui dicit, scripsisse se Patricio Aspario, Sporatio, & pluribus aliis; *mitto tibi etiam, inquit, exempla litterarum, quas Episcopi Gallia, & Italia, ad nos scripserunt, ut cognoscatis, quam arcte nos eadem Fides jungat.* Epistola tertia ad Leonem Imperatorem scripta est, ut magis magisque in proposito Concilium Calcedonense protegendi confirmaret. Eadem tempestate in Occidente imperabat Majoranus, Ravennæ, Imperatore Leone conscio, proclamatus.

Sæculum V.
A. C. 457.

Ep. 122. ab.
74.
Marcel. Chr.
Idac.

§. IV.

Episcopi ex Ægypto Constantinopoli.

Inter hæc aliqui Episcopi ex Ægypto, cum Timothei insidias evasissent, Constantinopolim delati, omnia, quæ sibi contigerant, Anatolio Episcopo enarrarunt. Tum Libello omnium Episcoporum Ægypti, & Clericorum Alexandrinorum Nominine Leoni Imperatori tradito, memorabant, ipsum in Imperii sui Auspiciis epistolas ad Episcopos Metropolitans dedisse, Fidei Catholicæ faventes, atque omnium Antecessorum suorum, & speciatim Marciani Imperatoris mandata confirmasse. Deinde referebant intrusum Timotheum, Proterium trucidatum, & Persecutionem, sub qua Catholici gement, & subjungebant

Conc. Calc.
p. 3. c. 22.

Sæculum V.
A. C. 457.

gebant hæc verba: *Igitur supplices rogamus, ut ad Sanctissimum Archiepiscopum Romanum, Antiochenum, Ferosolymitanum, Thessalonicensem, Ephesinum, & ad quos tibi videbitur, scribas; hi enim tibi ea, quæ Legibus Ecclesiasticis statuta sunt, exponent. Rogamus etiam, ut usurpatorem Ecclesia Alexandrina expelli, & meritas pœnas subire jubeas, tumque ut juxta Canones, & antiquam consuetudinem, Concilium totius Ægypti Diœcesis orthodoxum eligat virum dignum, qui in Cathedra S. Marci sedeat. Si post hæc Concilio opus erit, quod futurum non putamus, confidenter conveniemus, non ut discutiamus causam Fidei, de qua non dubitamus, sed ut Timothei molimina examinentur. Rursus humiliter petimus, ut huic viro prohibeas, ne ullos Episcopos, aut Clericos ordinet, ne officium celebret, & nihil novi in Ecclesiis nostris moliatur, sed jubeas, ut Ecclesiæ Alexandrinæ Bona Seniorum ex Clericis consilio administrantur, omnes Clerici Catholici in Ecclesiis suis in pace vivere sinantur, & ut in hunc finem mandata tua ad valde Magnificum Ducem Dionysium, aliosque cujuslibet Provinciæ Judices dirigas.* Huic epistolæ Episcopi quatuordecim, quatuor Presbyteri, ex quibus duo Ecclesiæ Alexandrinæ economi erant, & Diaconi duo, nomen apposuerant.

Time.

Timotheus quoque Legatos Constanti-
 nopolim misit; hi Imperatori Domini sui
 nomine epistolas porrexerunt; sed ante-
 quam responderet, Imperator jussit, ut Fi-
 dem suam palam facerent, & quid de Con-
 ciliis sentirent, edicerent. Ergo, dato li-
 bello, confessi sunt, se Fidem Nicenam
 tenere, & eidem nihil addere. Item se
 Concilia Ephesina (nimirum tam Conci-
 liabulum Dioscori, quam Legitimum sub
 S. Cyrillo) recipere. At Concilia, Con-
 stantinopolitanum, & Calcedonense re-
 jiciebant, petebantque, ut Imperator ad
 Archiepiscopum suum Timotheum Re-
 sponsorias daret. Huic Libello nemo
 subscripserat, ne exiguus Schismaticorum
 numerus proderetur, quippe non plures
 quatuor Episcopis Timotheum sequeban-
 tur. Alium etiam Timotheus ad Impe-
 ratorem misit commentarium, captio-
 se perplexum, in quo monstrari dicebat,
 S. Leonem, Concilium Calcedonense, &
 omnes Orientis Episcopos, Nestorianos
 esse.

Sæculum V.
 A. C. 457.

Conc. Calc.
 p. 3. c. 24.

Leo ep. 21. al.
 75. c. 4. ep.
 126. c. 2.
 Gennad. de
 Script. n. 71.

§. V.

Leo Imperator Episcopos consulit.

Leo Imperator, hisce libellis ad Anato-
 lium Episcopum Constantinopolitanum
 missis, significabat, populum Alexandri-
 num, Magistratus, Nautas petere, ut Ti-
 motheum Episcopum habere sinerentur.

Conc. Calc.
 p. 3. c. 21.

Bbb 3 Vero